

AB

58350



00 20

LH 00 Hw.



Ho 1003

#

18.

¶ Beclagung Tütscher Nation.

Diß zeychen bedüt den text des propheten

Hieremie. (

Diß zeychen bedüt die vßlegung des texts. ¶

6.

¶ Vßlegung des propheten Hieremie.

¶ Nach dem da ingefencknis des Römischen schlaß/
des/ vnd verschluckung das ganz tüttschland kummē
ist/ da ist gefessen der grossmüetig heroldt vnd verkün-
der des Euāgelij/ mit bitterem etemenbrochsen/ vnd
wenende/ hat dise clag auß ganzem grūd vñ bekümer-
nis seins hertzen gefiert/ vñnd gesprochen

(Wie sitzestu also allein tüttschland ¶ Billich ver-
wundert er sich In dem stül der verachtnis / nit als
vor zeiten/ in dem stül der glorien vnd eren. (ganz dē
raub ergeben. ¶ Des Babsts wan warumb niemantz
widerstand thün mag den rýssendē wolffen. (vor ziten
volrichtung. ¶ Die wyl alle andere lender dem Rō/
mischen tüttschen Keiser gaben/ die wyl man nit pallia
kauffet/ nit pfründē auch nit die sacrament. (ist wor/
den als ein witwen ¶ Wan warumb wirt von ieder/
man zerschleift/ vnd beschirmp sie niemand/ auch der
Bapst ieder man über windt mit synen briefen. (Ein
herschere d vólcker/ ¶ Solt billich tüttschland dē an-
deren herschen / ist aber ietz dienstbar den Römischen
skalbübe. (Sie ein Fürstin der lender/ ¶ Darum dz
si hat den Römischen kinig vñnd keiser mechtiger mit
gezig/ vnd frischer in kienheit/ (ist kumen vnder tribut
¶ Wem allein dem ein priester/ vnd das zum minsten
sunder auch den Römischen stall vnd kuchen büben.

¶ Da ist zu mercken zum ersten/das da niemad meynē
sol doctor Martinū Luther dise geschribē habe aber er
in synē buechern der gleichen beclagt vnnnd beweyn/das
da also die düttschē verderbt werden/vō den romanistē
vnd glych mit inen handeln/als werend sy disem Cay/
phe geschworne knecht:

¶ Zum andern/so hab ich etliche wol erfarnē/an/dem
hoff des aller durchlūchtigstē K. loblicher gedechtnis
Maximiliani/gewessen/hören sagē/zū eym prelaten/
den ich wol kē/vnd dz selb auch vß synē müd vernūen
hab/das da der babst zwen Curiales haben soll die do
ierlich von dē R. rich dreyhūdert tusēt guldin zū samē
rasplen/vffoglen/vnd rauben/on andren gewin/vnnnd
vff hebens von den teglichē zwitrachten. Wer sind sie
aber die verderblichstē/vnd schedlichstē Curiales/S
eyn genāt gyesy vß dem altē gesatz/der ander Simon
aber nit Simon Petrus sunnder der heid von dem do
genant würt die simony/Was aber ein Keiser hab vō
dem rich/hindan gesetzt das erbtel/hab ich vernume
nit gar vnd vollkumen xij tusent guldin/von wölchen
er die legaten vnnnd bortschafft gesant von wegen des
rychs/kūmerlich bezalen vnnnd belonen mag/Ach laid
wie armsellig/vnnnd zū beweine ist das/wo ist es laider
hin kumen wo hin kumbt der tüttschen eer/ich sprich dz
man findt etlich Curtisan/die da wenig minder habē
von dē rich/dan der Keiser selbs/Ach wie hat vns die
vnbesinnitait so ganz vnggeben/wie sind wir so ganz
blind/wie ganz vnbillich sind wier vnderwirfflich den
vngerechten bottenn des Römischen Bischoffs vnnnd
günstig mit vnserm grossen schaden der Simony wöl
liches doch die fürnemst ketzery geachtet wirt als nur
got helff/es wer besser vnns/doch mit nachlassung des

glaubens/auch vnd des Dürckē oberkeit leben dā vnd
dē vnbarmerzigste schinder/der sich doch ain vatter
aller genant wil werden/ Ain vatter wie san Paulus
sprucht sol synē kindern erb machē vnd mit die kindern
dem vatter/aber der Römisch vatter/ der vnderstat
alle hab syner sun zū verschlunden vnd es sy dā/das s
gietig got gar bald vns zū hilf kum/durch syn diener
Carolū/so ist es vß vmb tüttschland wan sie vnns al/
samt mit iren banbrieffen iber winden vnd zwingen/
vnd dar vmb das wir inē vnderthon sind/wölches nit
ain wenig zū betrueren ist vnd zū beweynē/ver speyen
vnd betriegen vns die Romanisten/glich als dienerē
vnd ist kein belonung do nit zū hoffen vō got vmb der
vngoz forchtig gehorsā willē/sunder vil mer die ewig/
stroff vns zū fürchten ist/das wir die gebot gottes nit
halten vnd dem Cayffischē menschen mit forcht schnell
licklich gehorsam sind.

¶ Zum dritten wem do düttschland zins bar sy gebürt
es sich zū wissen/das es destabeqwemer künne synem
herren dienē/sid also ire herze Wāmō/Symō/gyessy
schreiber/glyßner/stalknecht/muldier triber/eselknecht
roß hütter/kühirtē/katzē foher/müß fallē macher/rat/
tenfoher/kuchē bübē/müßfürer/sprochhaufffeger arß
wischer/hürer/frosē/schleckmyler/suffer/bübē/spiller
iunctfrowēschend/burger Zodome vnd Homorre/die
da got vor zytē mit demdunder verderbt hat/vmbder
grosse sünd willen/das sind vnser herren/vnser bröbst
vnser dechet/lermeyster/vnser Costodes/vnser cano/
nicen/vnser pfarher/vnd vicariē/disen acht der Babst
vmb das erb des gekrüzigtē Jesu/im tüttschland/die
sind bezabt mit dē pfründen/vō vnsern eltern gestift
den selbē dienē vnser sun/vnser baculariē/magistrivn

licentiati/ ziehend yn aß schüch vnnnd stiffel/ouch sind
vnserer herren ire esel vnd bullen trager/vnd die brieff
Cayphe/vns/semlichs/gebieten. Diser brieff vn̄ ge/
bot die wyl wirs höher achtē/dan die gebot gottes sind
wier in billich zinsbar. (hat geweynt in d̄ nacht vnd
hat geweynt in der nacht der widerwertikeyt/ darüb
sienit gewacht hat in dem tag der glickseligk̄eyt/hat
sich willigk̄lich vnderwirfflich gemacht/yez müs sie ge/
zwungē dienen (trehen in irē wangē! ist aber lachēs/
vnd freyd/ in den wangen der Römer/ die sich vnser
vnglücks frōwen (ist keiner der sie trest ist billich
vns got dz verhengt (vß allē irē fründen ist wā warū
die tütschen werdē durchsecht/ vnd verhaft/ also haben
sy gethon K. friderich/ gwilhelmo ockam yez dem frū/
men Luther (wan alle ire fründ ist die da billich ire
fründ soltē sin (habē sie veracht ist daher/wā d̄ bapst
bant den K. so folgent flucks synē brieffe vnserer fürstē
vn̄ setzen in ab (vn̄ sind ire find wordē ist als man sieht
in den gelleren/vnd schwizern. Zum fierden so habē
die Romanisten/mit so vilen vn̄ so verwickleten garn
des betrugs/vnd d̄ wietterischē herschafft/ die tütschē
verwicklet/mit liebkosē zum ersten genert vnd gefan/
gen/vnd so vast das da ganz kein hoffnung ist dar vß
zū k̄men/es si dan dz wier mit systen/vn̄ mit dem kal/
ten ysen die zerryssen/vnd schittē ab vns vnser ioch/dz
wir fry vnsern herrē mögen dienen/dar zū mögen alle
berck knecht/so vil golds vnd silber nit graben/als vil
Rom verschlindt/die da ain höllischer verschludt ist/
Rom hat vorzeiten gold vnd silber veracht/allein ain
wenigs erdtrych begert/für tribut/welches auch noch
gezüg ist der berg des erdtrychs vß allen landen/icz so
mag den höllischen hund Cerberum zū Rom/ der fuß

Jordanis nit settigē/ vnd wa er im schon guldin durch
dē rache fluß/ In sehēd wie da ist der nach kuer Petri
ist er nit vil mer ain nachkumer des grossen wietrychs
Jeronis. ¶ Zum fünffte wan do nun tutschlād/gar
vß genöcklet wirt von gelt vnd silber so werden vns
armen vnserē sünd nimen vergeben werden vns auch
nimē fürdür kuen die beschyffery des ablas/sund wer/
den zū ain gespey vñ verachtnis allem volck wan wir
nimē habē gelt/vß zū gebē/so wöl wir dan alte rostige
blatten/vnd schislen/zū amer münz machē/wirt vns
doch niemands ab kauffen/oder zū kauffen gebē glych
als zū zyt des endtchrist solche belonung sehē zū verdie
nen wir/so wir geben den Römische stal bübē ¶ Zum
fierden biß har ain lange zyt/haben die Römische bis/
chöff das sind die Hebst/die da vß schöpfen vnd vß
nörcklen die schetz der kirchen/solten darumb die für/
sten der Cristenlichen welt stillen vnd fridsam machen
haben sie aber mit grossem flyß vnd ernst/vnd mit fal
schē erdachter yebüg zwitrachtig gemacht/vrsach der
fürsten vnainheiligkeyt/ist des Habsts frid vnd ge/
walt/wan warumb sie fürchten geschē ain reformatz
wa die künig vnd fürstē ainhellig vnd fridsam werēd
darvñ seht er vnd sprengt vß das verderplich vnkrut
der zwitracht/so doch er teglich tag vnd nacht mit sun
derlichem grossem flyß/solt arbeytē/vnd ernst ankerē
zū merē den nutz der Cristenheit/aber sind Cristen wie
Judas/Du güter frumer apostel/Petre/so du ietzt
lebtest möchtest du kum ain glocken lyter blyben so du
aber Habst werst/miest du fürwar Christū wider ver/
leügnē/oder ab gesetzt werden. (Es ist gewandelt vō
hinne ¶ Namlich gon Rom/das sie stalknecht sind
(ain grosses volck ¶ Die vngelerten pfaffen/die da

begeren rych zū werden mit pfründē. (Durch anfechtung willē. Darumb/das da schier alle vnser pfründen haben die Romanisten die sie beschweren mit absentz (wonend vnder den vß ländigen vnder den Römischen vogelhunden/vnd gold rappen/förchten weder got noch die welt/darum dester erger (hat kein rüw gefunden Swan es ist nit genug den romanisten das in die vnsern in den stellen dienen miessend in auch als vnser gelt dar zū geben (vnd alle durchschter

Das sind die römischen schmorotzer (teütschlands Swan warumb dū das nit allen landen leydes auch nit al als wir narren (haben sie vmb fangē in der enge

sprechen namlich ire schmorotzer/ye die teütschen förchten iweren ban/darumb/dundern vnd bliyen in sie/so sind sie üch gehorsam. Zum sibenden es ist ser zū betrueren/das da teütschland also rych ist der güter des erdtrychs/her auch genug an gelt/wa/es nit also/beraubt wird von den Römern vnd das darumb vn schweyffen die teütschē durch die welt/sich vnderwirfflich machen schlechten vnd schentlich en dienstē/zū stal knechten vnd kuchen büben/wie die zigeuner/vñ vmb ains kleinen geltlins willē/wagen lyb vnd sel/zytlichē vnd ewigem dot/als da offēbar ist in den lands knechten/wölches ursach ist/das dem tütschen land also dz gelt ab gezogen wirt/ von den büben zū Rom.

Zum achten so ist offenbar vnd wissenhaftig das da der Römisch Bischoff bant die/die da die worheit verkünden/in tag bringen/vnd beschirmen/vnd /ergegen wid die/liebt/vñ wol redt/den/die sie vnder truckē vñ die heylig geschriff folschen/ darū ich glaub festlich

wa einerin anbettet für ain got so schlieg er es nit vß/
die wyl er doch von seynen federkluber/ vnd schmeych/
lern/ ain irdischer got/ ain almechtiger imperator/ der
allerheyligest mit dem namen genant wirt doch der er/
gest mit den wercken/ vñ das willigklich lydt vnd sem
lichs den synē zū lost/ Sag mir an ich bit dich hat im
fant Peter auch solche tittel begert/ od zū lossen schry/
ben/ aber wie der schöpffer vnd got/ also ist auch die cre
atur/ als man sehen mag in seinen Cardinelē/ vnd für
nemlich sehend wir es in Italia seynē Doctoribus/ die
er gemacht hat/ O du schöpffer/ bis dier genedig baw
vnd beschiff dier ain anderen hymel/ wan ich besorg dz
du nit mögest yngon yn das reych der hymel vnser sē/
ligmachers/ mach dier ein and erdtryck/ du magst hier
nit bleyben. ¶ Zum ix. der ban des Babsts/ darum
das wier seynen brieffen nit gehorsam sind/ oder so wir
nit vnuerletz wider schicken die Römische Curiales die
da vff voglen die pfründen in des Babsts monat/ sol
man nit mer achten/ vnnd/ förchten/ dan des Cayphe
ban wölcher doch gebant hat/ die hailigen apostlē/ sind
doch in dem selben ban ver scheiden/ darum ouch selig
worden/ wan wo sie solich banē/ geförcht/ od gescheücht
hätten/ so werendt sie verdampt wordē (Die weg des
hymelischen Syon ¶ Die mönschen/ die da wellendt
in den hymelischen syon/ das ist in die seligkeit/ billich
yert truren (Truren darumb das da nit sind die da
kumendt ¶ vrsach das da niemand selig wirt durch
die rōmer (zū ir löblichen iar zeyte ¶ Er hab dan mer
gelt/ dan die schryber vnnd gleyßner/ vnnd geb es dem
Römischen Babst (Alle ire porten sind zerbrochen
¶ Lam' ich in Teüschland /wan der Babst hat nür
ain porten behalten offen durch wölche in gat/ der selig

mönſch/der da der zytlichen güter vil hat/vnd die ſel/
ben dem Babſt gibt. (Ire priester ſeufftzē/ Teüſch
lands/darumb das die ab haimſchen den nutz von den
pfründen enpfahen. (Ire iunckfrowē beſleckt ¶ dar
vmb das ſie ſeind der Curtiſan köchin. (Vnd das
Teüſchland. ¶ nit die ander lēder (Iſt vnd truckt
durch ſchmertzē vnd bitterkeit. ¶ Wan warumb
welcher wiziger wolt nit betruren dz weſen der kirchen
also ab gangen/vnd verzert. ¶ Züm zehenden Chri/
ſtus ſpricht/Selig ſind die armē/Wā ir iſt das reych
der hymel/Aber vnſer Romaniſten/haben yetz dē text
corrigier+/die wil da ſ Babſt/nach irer meinung/mag
vnd macht hat alle ding zū vrtailen/vnd Corrigieren
vß genumen ſich ſelber/vnd würt durch ſeyne büben er
höcht/über alles das da gott in geert würt/darumb
ſprechet ſie/vnd leſend yetz also/Selig ſind die reichē
die vns vnd dem Babſt ire güter geben/wan warumb
ir iſt dz reych ſ hymel/vñ der Babſt düt in vff vñ ſunſt
kainem. ¶ Züm xi Es zweyſten yetz nit ain wenig
ob der Babſt noch hab die Schliſſel des hymels/wan
warumb/Als er züm nechſten ſchlaffen ging da hat er
es züm füſſē des betts gelegt/iſt heymlich datumen ain
dieb genant Sathā/das iſt der teüfel/vñ ſie im geſtol
len/vnnd da für dar geleyt/die ſchliſſel des höllischen
ſchlundts/vnd mit dem gewichen. ¶ Züm neunden
ſo iſt das geſchlecht des Coſme medices/gewont böſer
vnd betrüglicher beſchiſſery/vnd der Simony. (Die
ſind des teüſchē lands ¶ das iſt der babſt/vnnd ſyn
creetur/vnd huß geſind vnd frantzosen vñ ¶. (ſind
worden im haubt vnd züm vörderſtē ¶ Aber ich hoff
Künig Karo. werd ſie ſetzen vff den ſchwätz (ire fund
ſind ¶ die Römſchē ſchmeychler. (wordē rych ¶ von

b

vnsern pfründē vnd kauffen pallia (ire iungen ¶ Die
tügē pfaffen (sind gefürt ¶ sind betrogē (in gefenck
nis ¶ wan sie sind gefangne knecht der rōmer (ire für
stē ¶ des teütschē lāds (als die schoff ¶ also vnbesint
das sie solches lydē wider alles recht (die da findē kein
weyd ¶ dan der hirt weyds als vor hin ab/das ist d
Babst. ¶ Zum zehenden Vnser haubt synd/sind die
Curtisan/sind doch yetz vnser bröbst/vnd vnser decket
Ich han selbs ain arschwischer des babsts kent/der da
hat gehabt sechzehen güte pfründ ¶ Zum xi. Vnser
iungen ziehend gō Rom/in die stel der esel/vñ muldier
vnd werdēt da erhebt von irē herē in grosse würdigkeit
vnd zū besserer versöhüg dan wan sie by vns zehen iar
Doctores Theologie ordinarie vff einer vniuersitet
lesend. ¶ Zum xij. ich erzirn nit ain wenig Petro/der
da hat ab geweyt/vñ genūmen alle sampt vñ gar nüt
verlassen seyn mit apostlē/dan wa der Babst hat was
sant Peter gehabt hat/so hat auch der gleychē miessen
habē Petrus. (Teütschland hat gedacht ¶ Anfecht
tung vnd veyierung der Romanistē hat vns spot ge
nüg verstandt geben (seyner anfechtung ¶ von den
Römischen Bischoffen (vñnd irung von dem rechten
¶ das sie sind gehorsam gewesen dem Babst/als dem
oberstē/vñnd gethon wider die ersten gerechten/vñnd
wore concilia (vnd seyner fryhait ¶ Die wyl es noch
nit babst monat wozendt/vnd nit dorfften kauffen pal
lia (vñnd was sie hat gehabt von anfang/aber yetz
¶ priuilegia/ Wan warum vor zeyten hat bestetiz
get alle Bischoff/des Teütschen landts/primas/ das
ist der primas zū Meydenbur (All die sie haben
geert/verachten sie ¶ die Türcken/die Saraces
ner/die Ruscowyter/die Dattren/die Reüssen/vñnd

Arabes/ dan sie berauben tag vnd nacht die reych der
Kirchen (Sehendt ire dorheyt die in zü verwyssen
kumpt ¶ Das do also vnnütz sind die vnserem künig
da einer dē andern verderbt/ vnd bekriegt/ vnnnd doch
über sehendt den vnglaubigen.

¶ Züm viij. so ist es seer zü betrueren/ das da yetzt ain
schleter hüt/ vnnnd dūch Das ist ain mantel/ sol koufft
werden/ zü zeiten vñ viij. tusent guldin vnd im mit
der processen engegen gan so man den tüfel bringt/ O
die grosse blindigkait was bedeut vns der mätel/ sant
Peters garn/ sag aber lieber Petre/ hand auch alle dy/
ne garn/ so vil gestanden vnd vermöcht.

¶ Züm viij. So hat man vor zeyten/ in die kāmern
des Primaten zü Meydenburg fünffzig od dryssig gul
din geben/ vñ den pallium/ das für die brieff zü schreis
ben/ der bestettigung/ yetz müs man aber als vil geben
als schier ein ganz bistumb vermag.

¶ Züm xv. der fürnemlichest bischoff in tütischem lād
mer gewalt vnnnd recht hat/ über die bischoff seyne mit
brieder/ dan der Babst/ vnd ist billich ain oberer/ über
alle bischoff des tütischen lands. (Sich her ire anfech
tung ¶ mit dem aug der barmhertzigkait (wan wa
rum ¶ in vnbillich von den wietrychen bewisen von
Rom/ (Vff gericht ¶ vß gespreyt vnd gesterckt (ist
ir findt ¶ der Babst der groß Rauber (send seine hād
noch aller seiner begirlichait ¶ wan er ist noch meinūg
seiner fed kluber/ Almechtig/ ain her des erdtrychs/ da
rū im nit widerstat/ allein zü sagē vñ gebieten/ dz will
ich/ dz wil ich nit (Vñ sicht dz tütisch land ¶ darff aber
die selben nit vertriben/ förcht den ban des Cayphas
(Die Curiales in hergō ¶ dē Babst/ durch die brieff/
(zū feisten pfründē ¶ nach den Aptyen vñ der glychen

(vngeschickte nerrische. ¶ Die da kündte bas ain esel
sattlē/ dā ain Ewāgelium lesen (Welchen du hast ges
bottē das sie nit yngingē ¶ In dem Ewangelio (als
die dieb dynet irschē ¶ Darumb/ ain dieb kumpt nit dā
zū stelen/ zū verderben/ vnd dōten. ¶ Zum xvi. Vor
zytē besterct/ vñ beschwecht/ die erwelung des babsts
ain Römischer. ¶ Also ist sant Gregorius bestetiget in
dem Babstumb vom keiser/ also in dē altē gesatz/ Da
uid vñ Salomonis sie erwoltē vñ absetzē den oberstē
priester/ nach dem sie es nutz sein dem reych ermässē ab
er yetzt so hat mans vntert/ das der. ¶ Also man sagt
mūs schwōrē dem Römischē pfarher/ was/ das er in fri
vñ vnstrafflich las merzgen/ die scheslin Christi/ vñ die
lender lerē vom gelt. ¶ Zum xvij. hat Christus für
sich vñ Petro geben dē tribut/ vñ dem Keiser hin für/
ter gehorsā gewesen/ hat aber d gleychen nit gethon dem
Cayphe oder Anne. ¶ Zum xviii. Was da wil vñ ges
falt dem babst dz schribt vñ siglet er/ vñ darnach sem/
lich für recht haltē/ die Juristē vñ beschliessē in solche
mas/ der Babst hat es erkāt. Darū hör ich wol fleygt
ain esel (Die teütschē narren habē geben ire kostliche
¶ Namlich die altē guldin/ die da vnser mietterlin nit
habē derffē wechflē/ in der kindt bet also verk auffē hūf
ser mattē/ vñ acker (für die pfründ vñ ablas vnd ist
¶ Vñ vnsern eltern gestift (Beraubt wordē Teüsch
land. ¶ Berupfft/ arm gemacht bewüchert beraube
als die trubē nach dem herbst (Dir al. ¶ Die ir teüt
schland lieben (Die ir durch gon teütschland mercken
vñ sehend ob da mir auch glych sy ¶ Durch stet dörffer
berg vnd höcken wie reych sind die prelaten (Ain land
in nerrischer gehorsam ¶ Als wolt er sagē/ k ain landt
wirt also genert von dem Babst/ als ich/ namlich mit

dem schaden/leyb vnd sel. ¶ Zum xv. Es schiekt vns
der Babst nür ein bermentē hut mit ainwenig bley vñ
flechßenen fadē vnd ersücht vnd erspürt dz vß gelesen
vnd erklubt goldt/ Sind wir nit nerzische kouffleyt.

¶ Zum xvi. So milckt d Römisch hirt/in ainer stüd
syne scheslin zwirēdt/vnsere Bischoff die sind vnser hir
ten/also gewycht vñnd apostolici genant/als d Babst
werden genāt noch kumer der apostlen als man list int
rechtē vnd ewāgelio als wol als d Babst/ So milckt
der Römisch hirt die scheslin / vor dē ymbis/so er vns
brieff gibt die da werē vnd blibē sollen ewige zit milckt
sie noch dem ymbis/mit wider rieffen/diser yetz gebnē
brieff durch des geltz willen/zñ zyten ouch mit bannen
die brieff die er vns vor gab. ¶ Zum xvij. vmb alles
das güts/das wir den Römern dünd vñnd beweyssen
werden wir dānocht schneider/vnd verachster gehalden
dā die Juden do mā ir dreyszig hat gebē vñ ein pfenig
vñ wie vacht noch heüt sind die Wāmaluckē (Wem
sol ich dich verglychen du edles Teütschland ¶ Nam
lich einem nerzischen vnd dippelschen volck das do nit
verstot vnd fürkumbt den grossen schaden (War in
sol ich dich trösten. ¶ In den feysten vñnd schwert des
gröste vnd gerechsten künig Karoli (Deyne prophetē
haben gesehen dich bescheyssen ¶ In dem predigen den
ablos/vñnd erheben den gewalt des babsts/iber alles
was do got ist vñ grosse ketzerey als d/der do prediget
als bald du hörest den klang des geltz/in die kisten/so
fart von mund die sel in hymel/ (Habē dir nit ange/
zeigt die vngerechtigkeith ¶ Allein geprediget die grös
se der betriegerey des Abblas/ein lügen sagen/iber die
ander/hauffen weyße (Das sie dich zñ rüwen brechten
¶ sunder/dich anreizen gelt zñ gebē/got geb es sey den

selen heil oder nit (Habē über dich gefrolockt mit den
hendē ¶ Das sie haben gesehē/dich glouben geben iren
lügen/vnd bescheyfferey/vnd yn geben genüg (haben
vff gethon iren mundt ¶ mit trowen des grōsten ban
wo einer die worheit sagt wiß ir lügen (vnd gesprochenē
¶ vnder yn selbs (Wir wöllendts verschlindē ¶ Die
Teutschen mit berouben.

¶ Zum. xviii. So ist ablos nit anders dā ein ver/
sumnis des wozē rüwē/ein noch lossung des gewyffens
ein müderüg alles gūtes/ein richtumb des Römischen
bischoffs

¶ Zum. xix. Es ist vnns nützer ein pfenning geben
ein armen vß rechter lieb Christi/dan hundert gulden
in die kysten der betriegererey des ablos.

¶ Zum. xx. Alle pfründ/alle sacrament sind yetz feyl
alle sünd/alle bieberey werden noch gelossen in dem ab/
laß/wan worumb die selben bestetigen/als yetz gewon/
heit ist/ Simon vnd māmon.

(Wie ist also verblichen das goldt ¶ by den tutschen
scheint vnd gleißnet in den zäimen/an den Römischen
gemeinen frawen (wölches erdtrich ist also beraubt
¶ Als wolt er sagen/kains/wan warum es ist ietz als
kain kleins kapellin/in kainē wald dz da sicher ist von
den Curtisan (Ist gottes barmhertzigkait zū danckē
dz wier nit gar verderbt vnd verzert sind ¶ Von den
raubischen wölffen (Vnd nit gar vō vns gewichen sin
barmhertzigkait ¶ Wan worū wier ietzundt hoffen/
zū erlöst werden/durch künig Karolū/darū dz da yetz
anfahen die tutschen ir narheit/zū erkennē/vñ sehend/
als die iungen hund/an dem neüntten tag irer geburt.

¶ Zum. xxi. den armē vnd gefangnē/vm schult wil/
len den helffen wier nit/vnd machen reich die trem/ spo.

ren/zaim/vnd Römischen hürē/ Darū vnseremütter/
lin vñ dz gelt kauffen/ yn den ablaß dē im verdiēt hat
v orzeitē/ Jesabel da er ernōrt vierzig briester baal.

¶ Zum xvii. Martinus Luther vnderstat vns zū er
lösen/von dem Egipto/babilonischer gefencknis/ gebe
nedeiēt von got.

¶ Zum xviii. Eckius ist ein kyst des teüfelschen be/
trugs/ein legat Cayphe/dolmetsch des Endtchrist/ein
verkünd der ketzerēy/des tütschen lādts dötlicher findt
ain vnder trucker der warheid/ schmidt teglich kotten
das destalenger vnd harter gehalten werden in der gef/
fencknis der Römischen stalbüben/vflucht vō dē herrē

¶ Mein gebet des propheten Hieremie.

(Gedenck her was vns geschehen sei ¶ Der du vns
helffen magst vō den vngerechte Romanistē (Sich
an vnser schmacht ¶ mit den augen deiner barm/
hertzigkeit/vnbillich bewisen/ vō den Römern/vō den
franzosen/vnd venediger (vnser erb ist künen vñ ge
zogen ¶ in pfründen zū stifften/durch die bullen der
römischen Bischoff (zū den fremden ¶ Zū den Curti
san vñ Cardinelē (sind wordē wie die weysen ¶ wan
warum vnser findt der babst lat vnser bischoff nit vet
ter seyn sunder knecht (on vetter ¶ die do die kinder
beschirmen (vnseremütter ¶ die bistumb (Als die
witwē ¶ wā warum d babst hat in gefencknis ire mā
dan die bischoff miessendt im schwōrē (Vnd werden
gezwungē ¶ mit grossen vnd herten schelt Worten vñ
ban brieffen (Vor dem angesicht des durchsechters
¶ Dā wo er hyn wil da hien citiert vns der Babst/ vñ
allen landen (vnser vetter ¶ Bischoff König vnd
Fürsten (haben gesündt ¶ so sie als zū schreibē dem
nachkümer Petri/vñ beraubē die nachkümer der apo/

stlen (vñ wiew tragē ire sünd | mit vnserē grossē schaden/schan vñ schmacheit (Vnd knecht die herschē vns
| Namlich Cüriales stalknecht katzensaher / vnd der gleichen (ist niemātz gewest | bis her würt aber bald kumē (der vns erlöset | von der schänden dienstbarkeit (hat abgenōmen vnser freyd | freyē aber sich/ aber sich/ aber die Romanisten des raubs vñ vnns geraubt (Ist vns enpfalle die krō vnser haupt | wirt namlich der Babst mit einer tryfaltigē krōnē gekrōnt hat dysen bracht auch begert sant Peter (Erñuwer vns die tag als von dem anfang | du herz durch dinē Carolū/ die wiew wir nit wistē vñ kentē die Curtisanē/ die wil da die bischoff/ nit dörffte schwerē/ dē rōmischē bischoff/ die weil do noch in wesen was/ dz cōcilū aphricanū (her mach gesund vnserē künig | durch deinen hāligen namē der du hast gebē den rōmischen gewalt dinem sūn (der in dich hofft | als ein vatter vñ helffer

¶ Zum xxiiij. Es ist nit gantz offenbar/ vñ wissentlich ob die rōmer schwerer sündē/ dz sie Christū v̄kauffen/ oder wiew tüttschen narre das wiew in kauffen.

¶ Zum xxv. Wa du würest ainhellig sein/ vnd zū stimmen künig Karolo/ vñ dem gelertē Martino/ würestu zeytlich erlöset. ¶ Zum xxvi. wa du sollich abschlahen würdest/ so würt gezwiffaltiget dz ioch deyner dienstbarkeit/ vnd ich würd dein spotten.

¶ Wie man die Curtisanen halten soll.

Den Curtisan sol man kein pfründ lassen/ durch an gesicht willen der Bullē. ¶ Den Curtisan sol man kein absentz lassen/ sünd in die türn werffen ¶ Wan soll die Curtisan od die in ierm namēn banbrieff bringē/ od anschlagē/ zwingē/ zū fressen mit allē anhäng/ vñ sol in nit dar zū gebē zū trincken/ dan essigt vnd gall.

¶ Die Curtisā die da haben vil pfründ/ sol man exas
minieren/ vñ wa ainer geschickt ist sol man im aine las
sen/ die andern den rechten verleyhern wyder geben.

¶ Die Curtisan sol man überal allent halb vff fahen
wa sie etwas anfallē/ als sie biß har gethon haben.

¶ Die Annaten sol man nimer mer in ewigkeit gebē.

¶ Wan sol kein pfründ in teütschland behaltē oder
noch lassen dem Babst/ noch den Cardinelen noch dem
bischoff.

¶ Den ban des Babst soll man nit anders / achten
dan des Cayphas ban.

¶ Wan sol in schwerē/ trefflichen: sachen/ vnd handlē
appellierē vff ain concilium/ vñ sol nit gehorsam sein
dem Babst/ bis es erkant vnd volbracht würt.

¶ Bestettigūg d̄ bischoff sol sein vß ainer wol betrach
ten er wölung/ vnd sollen verwilligūg nemē/ von irem
obristen im Teütschen land vnnnd sollendt nit kouffen
die pallia der Römer.

¶ Die capittel der Canonickē die da wöllen bischoff
erwölen/ sollē zū samē schwören mit verwilligung irer
bischoff/ nit mer wellē kouffē pallia/ vō dē babst dā ein
yetlicher bischoff hat mer recht/ in seynem bistumb dan
der Römisch bischoff.

¶ Das da ain künig vnser beschirmer sey / im weltli
chen vnnnd zeytlichen dingen/ sollen wir es halten hyen
fürter als byß har.

¶ Die oberkeit der kirchen/ mag wol geben werdē vñ
befolhē dem bischoff zū mētz od zū Kōl als dem zū Rō.

¶ Den Babst soll man hinsürter nit mer malen mit
ainer dreyfaltigē kron/ Sund mit dē vier Ewangeliē.

¶ Ain yeglicher der da appelliert vß teütsch lād gon
Rom/ der sol vertriben/ vnnnd vnder truckt werden/ ist

er ain Bischoff/so sol er verbät werden/vō ain Künig

¶ Den ablaß sol man hynfürter nit mer kauffen vō dem babst/sund vnserer bischoff wo es not det sollen sie lassen predigē/doch mit willen ains Küniges vñ Kai.

¶ Von dem gelt das man bißhar hat gebē/den Römischen büben/sol man soldt/vnd goldt/geben den raubren/so werden sie vff heren zū rauben.

¶ Ain yeglicher der do widerstrebt dem Martino Luther/der sol billich geacht vnd gehalten werden ain find der warheid/vnnd des Teütschen lands/vnd den Römischen schmertzern zū zelen/vnnd gehört ym zū bech vnd schne.

¶ Wier sollen vns keren vnd fleysen zū halten dye gebott gottes/vnd den ban der dreyfaltigkeit/der vns abtrünnig/vnd zerteilt von der gemeinschaft der obersten burger/des ist des hymels welcher ban geschit/durch die dot sünd/was gon vns die brieff des Römischen Bischoffs an/er ist ain bischoff in seynem bistum/vnd nit in vnserm.


¶ Ain anhang zweier hälligen die die beßte selbs für hailig erkant haben/Bernhardi vnd Bonauenture/vnnd des allergelersten teütschen Alberti magni/denn ym Thomas von aquino von weytē hergezogen zū ainem schülmayster hat erwölt.

¶ Sanctus Bernardus in dem büch der betrachtung zūm babst Eugeniū/ in dem drittē büch nach der mitten/ vor dem end/ Da begerd er mer in ainē babst volkümehait der gerechtigkeit/dan des gewalts/der gleychen auch sant Bonauentura in dē vierdē büch sententiarū distinctione. xxxi. articulo .v. in der vßlegung

Des lesten arguments/mit disen Worten spricht/ S her
hat geben seynen statthaltern volkommenheit des ge-
walts/wie sich dan gezimpt hat/ ainē mōnschen zū ge-
ben/vñ die zū ainer besserung seines leybs/dz da ist die
kirch/ Nun sol man betrachte das wort gezimpt hat dz
da der gewalt nit gehert zū den gebüw me dan künig/
licher palast/ sunder zū der merüg/des glaubens/ vnd
gottzierd vnd zū meren/vnd fürdren das hail der selen
durch meslesen/durch predigen/durch studieren in der
heiligen geschriff/durch rülich almüsen durch güt bei-
spil oder exempel gütes lebens Nun lesend auch den
Albertum Magnum über Joannem am. xvj. über dy-
se wort der iuden zū pilatū wer er nit ein ybelthäter
so hatten wier yn dier nit überandwurt/da er setzt den
dapffern vnd ernsthaftigen sententz/ von den Hebstē
wer er nit ain übeltheter so hatten wier in dier nit über-
antwürt/ Ja wier die da sind ains solchen gewalts vñ
authoritet/vñ geistlichkeit/eben gleich noch bie tag vn-
sern Hebstē/ Die da allein auß irer authoritet vnd o-
berkeit die vnschuldigē vnder trucken/ vnd wellend dz
ynen geglaubt werde in dem blüt vergiessen der vnsch-
uldigē/ Wan wier vermessen als vil vō vnser autori-
tet/ das wier meinen wier dien nütz böß vnd vnrechtz/
Dar zū auch sant Bernhard in seinē epistolen oft vñ
dick strafft vnd schilt die geitikeit der Römer/ die da
auch zū vnwillen bewegt hat den Lutherum/ Der gley-
chen auch die grosse vñ meysterliche bewerte glos über
den Isaiam am ersten/spricht das kain geytziger gesch-
lecht in der ganzen welt sey/ dan die Juden vñ die
Römer.

Faint, illegible text, likely bleed-through from the reverse side of the page. The text is arranged in approximately 20 horizontal lines across the page.





58 350.

AB 58 350


ULB Halle

3

003 005 690







159
Ho 1003 # 18.

Beclagung Türscher Nation.

Diß zeychen bedüt den teyt des propheten
Hieremie. (
Diß zeychen bedüt die vßlegung des teyts. ¶

6.

